

كيف الحل؟

عام من الشوق كيف الحل خبرني؟
الكبد ذائب أسي والروح عطشانه!
حيران مدري وش اللي فيك يجبرني؟
أشتاق ووله وشقي النفس من شاناه!
معقول (حبك) لهذا الحد يأسرني؟
أو بك فتني إله العرش سبحانه!
كل يوم أحس الغلا لك زود يغمرني
ما كن غيرك بهذا الكون إنسانه!
يا ليت شوفك حلم أغفى وتحضرني
يسد جوع اشتياق زاد طغيانه!
مير البلا لا حلمت الشوق يسجرني
ويعج في داخلي ويثور بركانه!
أوقات أفكر أسيبه شخص هاجرني
أنب ضميري وأحس الروح ندمانه!
يا كيف بعشق شخص ناوي يدمرني؟
والقلب له عام يصلى نار حرمانه!
سجين حبه ولا راضي يحررني
وما شفت منه سوى تعذيب سجاناه!